

тартвес. Яныг саватпи ёт немцыт ювле та оигласыт. «Тāl котиль ётпост 14-15 хōталаге нупыл патме ётё сака хосаг олыс, – немец хансы, – сāv пālныл мāн та пātлуптавёв, мāн мувлахи акваг щар шахыл холът та курги. Хультум нор колыт нāйин та тёвет. Щар пылыщма сунсуҕкве, тымус мувлахи сёля посым. Сакватым мāхум рōх суяныл титхал патум ўйхул ёт акван-паты, татем та пылыщма хўнтлаҕкве... Советский сālтатыт щāгтым немцыт юил акваг та нйāvлыяныл. 18 немец армият тамле доклад олыс: лов хōтал сус, хунь Красный Армия наступайтаҕкве патыс, 35 сōтыра немец алыма».

Тāl кōтиль ётпос 27 хōталт немцыт Ленинград ўсныл хот та нйāvлувёсыт, блокада та холас. Немец ойка тох ты хансы: «Вāгтāl патум Ленинград ўсныл яныг ўсылыл хōнт вāрмаль ёла та патыс».

Тамле хōнтлан тārвит вāрмаль капаит та олыгласыт. Хōнтлан вāрмаль тай сака пылыщмаҕ вāрмаль та. Тōрум вос нётнув, Отыр вос нётнув: мāн яныгман пыганув, апганув нэмхунът тамле вāрмалин ул вос патнувыт!

Клавдия Койнова

Хōнт порат сāv рўпитама хōтпат

Тамле хōтпа Нйāхщамвōль пāвылт сāv олыс, ань шар мощца кāсыҕ тāl хульты. Ань пāвылт олэгыт: Анастасия Митрофановна Ануфриева, Анна Федоровна Беляева, Тимофей Ефимович Канев, Анастасия Ивановна Рочева, Юлия Федоровна Рублева, Мария Петровна Ануфриева. Ты хōтпат пуссын «Труженики тыла» там-